



茶集

下



和  
801  
3





茶集卷之下



明 南昌 喻政編輯

日本和泉 源靖重訂

五言律

茶塢

唐皮日休

開尋堯氏山遂入深深塢種薜已成園栽葭寧

記畝石窪泉似掬巖磳雲如縷好是夏初時白

花滿烟雨茶經云其花白如薔薇

茶人

生於顧渚山老在漫石塢語氣為茶芽衣香是  
 煙霧庭從顛子遮色女耿反其木如玉果任孺師  
 虜日晩相笑歸腰間佩輕篋

茶筍

袞然三五寸生必依巖洞寒恐結紅鉛暖疑銷  
 紫汞圓如玉軸光脆似瓊英凍每為遇之踈南  
 山挂幽夢

茶籬

篔簹曉攜去暮個山桑塢閑時送紫茗負處沾

清露歇把傍雲泉歸將挂煙樹滿此是生涯黃  
 金何足數

茶舍

陽崖枕白屋幾口嬉嬉活棚上汲紅泉焙前蒸  
 紫葢乃翁研茗後中婦拍茶歇相向掩柴扉清  
 香滿山月

茶竈

南山茶事動竈起巖根傍水煮石髮氣新然杉  
 脂香青瓊蒸後凝綠髓炊來光如何重辛苦一

一輪膏梁

茶焙

鑿彼碧巖下，恰應深二尺。泥易帶雲根，燒難碍石脈。初能燥金餅，漸見乾瓊液。九里共杉林，茶皆名相望在山側。

茶鼎

龍舒有良匠，鑄此佳樣成。立作菌蠢勢，煎為潺湲聲。草堂暮雲陰，松窻殘雪明。此時勺復茗，野語知逾清。

茶甌

邢客與越人，皆能造茲器。圓似月魂墮，輕如雲魄起。棗花勢旋眼，蘋沫香沾齒。松下時一看，支公亦如此。

煮茶

香泉一合乳，煎作連珠沸。時看蟹目濺，乍見魚鱗起。聲疑帶松雨，餽恐生煙翠。儻把瀝中山，必無千日醉。

茶塢

陸龜蒙

茗地曲隈回野行多繚繞向陽就中密背澗差  
還少遙盤雲髻慢亂簇香篝小何處好幽期滿  
巖春露曉

茶人

天賦識靈草自然鍾野姿聞來北山下似與東  
風期雨後採芳太雲間幽路危唯應報春鳥得  
共斯人知顧渚山有報春鳥

茶筍

所孕和氣深時抽玉茗短輕煙漸結華嫩蘂初

成管尋來青靄曙欲去紅雲暖秀色自難逢傾  
筐不曾滿

茶蘂

金刀劈翠筠織似波文斜製作自野老攜持伴  
山娃昨日鬪煙粒今朝貯綠華爭歌調笑曲日  
暮方還家

茶舍

旋取山上材架為山下屋門因水勢斜壁任巖  
隈曲朝隨鳥俱散暮與雲同宿不憚採掇勞祇

憂官未足

茶竈

無突抱輕嵐，有煙映初旭。盈鍋玉泉沸，滿甌雲芽熟。奇香襲春桂，嫩色凌秋菊。煬者若吾徒，年年看不足。

茶焙

左右擣凝膏，朝昏布煙縷。方圓隨樣拍，次第依層取。山謠縱高下，火候還文武。見說焙前人，時炙花脯。紫花焙人，以花為脯。

茶鼎

新泉氣味良，古鐵形狀醜。那堪風雪夜，更值煙霞友。曾過潁石下，又住清溪口。潁石清溪皆江南出茶處。且共薦臯盧，名茶何勞傾斗酒。

茶甌

昔人謝堰埳，徒為妍詞飾。劉孝威集有豈如珪謝堰埳啓璧姿又有烟嵐色，光參筠席上。韻雅金壘側，直使于闐君。從來未嘗識。

煮茶

閒來松間坐看煮松上雪時於浪花裏併下蘭  
芽末傾餘精爽健忽似氛埃滅不合別觀書但  
宜窺玉札

送陸羽採茶

皇甫曾

別行

建溪新茗

宋梅堯臣

南國溪陰暖先春發茗芽采從青竹籠蒸自白  
雲家粟粒烹甌起龍文御餅加過茲安得比顧  
渚不須誇

谷建州沈屯田寄新茶

春芽研白膏夜火焙紫餅價與黃金齊包開青  
蕩整碾為玉色塵遠汲蘆底井一啜同醉翁思  
君聊引領

王仲儀寄鬪茶

白乳葉家春銖兩直錢萬資之石泉味特以陽  
芽嫩宜言難購多串片大可寸謬為識別人予  
生固無恨

吳正仲遺新茶

十片建溪春，乾雲碾作塵。天王初受貢，楚客已烹新。漏泄關山吏，悲哀草土臣。捧之何敢啜，聊跪北堂親。

謝許判官惠茶圖茶詩

王禹偁

成圖畫茶器，滿幅寫茶詩。會說工全妙，深諳句特奇。盡將為遠贈，留與作閑資。便覺新來癖，渾如陸季疵。

武夷茶

元稹

摘茗銳仙岩，汲水潛虬穴。旋然石上竈，輕泛甌

中雪清風已生，腋芳味猶在舌。何當擢孤舟來，此分餘啜。

試武夷茶

明余渾然

百草未排動，靈芽先吐芬。旗槍衝雨出，嵒壑見春分。采處香連霧，烹時秀結雲。野臣雖不貢，一啜敢忘君。

邢子愿惠蜀茗至東郡賦謝

謝肇淛

一角綠昌明，知君寄遠情。香分雪嶺秀，色奪錦



江清松火山，僮構甕甌侍。女擎只愁風土惡，何處覓中冷。

五言排律

與諸友汲同樂泉烹黃蘗新茶

宋謝邁

尋山擬三食，放箸欣一飽。汲泉注銅瓶，落磴碎鷹爪。長為山中遊，頗與世路拗。矧此好古骨，茗椀得撈攪。風生覺泠泠，袪滯亦稍稍。夜深可無睡，澄潭數參昴。

七言律

乞錢穆父新賜龍團

張耒

閩侯貢璧琢蒼玉，中有掉尾寒潭龍。驚雷作春山不覺走馬獻，入明光宮瑤池侍。臣家先賜惠山乳，泉新破封可得作詩酬。孟簡不須載酒過揚雄。

謝人惠茶

梅堯臣

山上已驚溪上雷，火前那及兩旗開。采芽幾日始能就碾，月一罌初寄來。以酪為奴名價重，將

雲比脚味甘，更勞誰致中。冷水况復顏生不  
解杯。

嘗茶

都籃攜具向都堂，碾破雲團北焙香。湯嫩水輕  
花不散，口甘神爽味偏長。莫誇李白仙人掌，且  
作盧仝走筆章。亦欲清風生兩腋，從教吹去月  
輪傍。

和東玉少卿謝春卿防禦新茗

陳襄

常陪星使款高牙，三月欣逢試早茶。綠絹封來  
溪上印，紫甌浮出社前花。休將潔白評雙井，自  
有清甘薦五華。帥府詩翁真好事，春團持作夜  
光誇。

曹輔寄壑源試焙新茶

蘇軾

僊山靈雨濕行雲，洗遍香肌粉未勻。明月來投  
玉川子，清風吹破武林春。要知冰雪心腸好，不  
是膏油首面新。戲作小詩君一咲，從來佳茗似  
佳人。

謝王烟之惠茶

黃庭堅

平生心賞建溪春，一丘風味極可人。香包解盡寶帶銙，黑面碾出明窻塵。家園鷹爪改嘔冷，官焙龍文常食陳。於公歲取壺源足，勿遣沙溪來亂真。

許少卿寄卧龍山茶

趙抃

越芽遠寄入都時，鼎倡珍誇互見詩。紫玉叢中觀兩脚，翠峰頂上摘雲旗。啜多思爽都忘寐，吟苦更長了不知。想到明年公進用，臥龍春色自

遲遲

朝齋惠龍焙，新茗用鐵壁堂韻。

林希逸

天公時放火前芽，勝似優曇一度花。修貢慙煩鐵壁老，多情分到玉山家。帝疇使事催班近，僕守詩窮任鬢華。八椀能令風兩腋，底須冷菊飯胡麻。

謝吳帥分惠乃弟所寄廬山新茗次吳帥韻

五老峯前草自靈，若為封裹入南閩。錦囊有句知難弟，玉帳多情寄野人。雲脚似浮廬瀑雪，水痕堪鬪建溪春。龍團拜賜前身夢，得此烹嘗勝食珍。

留龍居士試建茶，既去輒分送并頌寄之。

陳淵

未下鈴鎚黑如漆，已入篩羅白如雪。從來黑白不相融，吸盡方知了無別。老龍過我睡初醒，為破雲腴同一啜。舌根回味只自知，放盞相看欲

何說

寄茶與曾吉甫

劉子翬

兩焙春風一盞隔，玉尺銀槽分細色。解苞難辨邑中黔，淪盞方知天下白。岸巾小啜橫碧齋，真味從底傾輸來。曩歸早余一語妙，三歲暗室驚轟雷。

建守送小春茶

王十朋

建安分送建溪春，驚起松堂午夢人。盧老書中才見面，范公碾畔忽飛塵。十篇北苑詩無敵，兩

腋清風思有神日鑄臥龍非不美賢如張禹想  
非真坡詩云張禹縱賢非骨鯁謂草茶也

索劉河泊貢餘茶

元藍靜之

河官暫託貢茶臣行李山中住數旬萬指入雲  
頻采綠千峯過雨自生春封題上品須天府收  
拾餘芳寄野人老我空腸無一字清風兩腋願  
輕身

謝人惠白露茶

武夷山裏謫仙人采得雲岩第一春竹竈烟輕

香不變石泉火活味逾新東風樹老旗鎗盡白  
露芽生粟粟勻欲寫微吟報嘉惠枯腸掇盡興  
空頻

索劉仲祥貢餘茶

春山一夜社前雷萬樹旗鎗渺渺開使者林中  
徵貢入野人日暮採芳回翠流石乳千峰迥香  
簇金芽五馬催報道盧仝酣晝寢扣門軍將幾  
時來

謝宜興吳大本寄茶

明文徵明

小印輕囊遠寄遺故人珍重手親題煖含烟雨  
 開封潤翠展旗鎗出焙齊片月分明逢諫議春  
 風彷彿在荆溪松根自汲山泉煮一洗詩腸萬  
 斛泥

試吳大本所寄茶

醉思雪乳不能眠活火砂瓶夜自煎白絹旋開  
 陽羨月竹符新調惠山泉地爐殘雪負陶穀破  
 屋清風病玉川莫道年來塵滿腹小窻寒色已  
 醒然

次夜會茶於家兄處

惠泉珍重著茶經出品旗槍自義興寒夜清談  
 思雪乳小爐活火煮溪水生涯且復同兄弟口  
 腹深慚累友朋諸興攬人眠不得更呼童子起  
 燒燈

試鼓山寺僧惠新茶

徐燠

偃卧山窻日正長老僧分贈茗盈筐燒殘竹火  
 偏多味沸出松濤更覺香火候已周開鼎器病  
 魔初伏有旗槍隔林况聽鶯聲好移向茶藤架

下嘗

閔道人寄武夷茶與曹能始烹試有作

徐燠

幔亭僊侶寄真茶絨得先春粟粒芽信手開封  
非白絹籠頭煎喫是烏紗秋風破屋盧仝宅夜  
月寒泉陸羽家野鶴避烟驚不定滿庭飄落古  
松花

在枕喬卿諸君見過試武夷鼓山支提太  
姥清源諸茶分賦

北苑清源紫筍香長溪芳巖盛旗槍洞天道士  
分筠管福地名僧贈絹囊蟹眼煮泉相續汲龍  
團別品不停嘗盡傾雲液清神骨猶勝醅醕入  
醉鄉

雨後集徐興公汗竹齋烹武夷太姥支提

鼓山清源諸茗各賦

謝肇淛

踈篁過雨午陰濃添得旗槍翠幾重稚子分番  
誇茗戰主人次第啓囊封五峯雲向杯中瀉百  
和香應舌上逢畢竟品題誰第一喊泉亭畔綠

芙蓉

候湯初沸瀉蘭芬先試清源一片雲石鼓水簾  
香不定龍墩鶴嶺色難分春雷聲動同時採晴  
雪濤飛幾處聞佳味閩南收拾盡松蘿顧渚總  
輸君

武夷試茶因懷在杭

江左玄

新采旗槍踏亂山茶烟青繞萬松關香浮雨後  
金坑品色奪峰前玉女顏仙露分來和月煮塵  
愁消盡與雲閒獨深天際真人想不共啣杯水

石間

雨中集徐興公汗竹齋烹武夷太姥支提  
鼓山清源諸茗

周千秋

乍聽涼雨入疎櫺亭畔蕭蕭萬竹青掃葉呼童  
燃石鼎開函隨地品茶經靈芽次第浮雲液玉  
乳更番注瓦瓶咲殺盧仝徒七碗風回几簟夢  
初醒

清明試茶

費元祿

空林柘火動新烟試煮金沙石竇泉淪處風生



蒙嶺外戰來，雲落幔亭巔。蒼頭詎可奄，稱酪博士何勞更。給錢春暮倍愁，花鳥困不妨。頻傍瓦爐煎。

五言絕句

武夷茶

宋趙若樞

和氣滿六合，靈芽生武夷。人間渾未覺，天上已先知。

石乳沾餘潤，雲根石髓流。玉甌浮動處，神入洞天遊。

武夷茶竈

朱熹

仙翁遺石竈，宛在水中央。飲罷方舟去，茶烟裊細香。

雲谷茶坂

攜巖北嶺西，采撷供茗飲。一啜夜窻寒，跣趺謝衾枕。

武夷茶

元丘宓

烹茶人換世，遺竈水中央。千載公仍至，茶成水亦香。

試武夷茶

杜本

春從天上來，嘖拂通寰海。納納此中藏，萬斛珠  
菩蕾。

一徑入烟霞，青葱渺四涯。臥虹橋百尺，寧羨玉  
川家。

附茶事詠有引

明蔡復一

古今澆壘塊者，圖書外惟茶酒。二客酒養浩  
然之氣，而茶使人之意也消。功正未分勝劣，  
天津造樓，顧渚置園。玄領所寄，各有孤詣。酒

和中取勁，勁氣類俠。茶香中取淡淡，心類隱  
酒如春雲籠日，草木宿悴都化。愷容茶如晴  
雪飲月，山水新光。頌失塵貌，醉鄉道廣。人得  
狎遊而茗格高寒，頗以風裁禦物。譬則夷惠  
清和山嵒通簡，雖隔代而興絕。交有激繼，踵  
均足標聖。把臂何妨入林矣。莊生有云：時為  
帝者也。西方以醍醐代麩蘂，避酒如仇。獨於  
茶無迂，豈非御時輪抽教，齋塵夢方酣，則飲  
醇難救。熱中欲解，則濯冷倍宜。所以革彼爛

賜薦茲苦口乎僕野人也雅沐溫風終存介  
性病眼數月山居次寥不能効蘇子美讀漢  
書以斗酒爲率惟一與茶客酒徒既專且久  
振爽滌煩間有會心便覺陸季疵輩公人不  
遠衝口而發隨命筆吏得小詩若干首前人  
所述其品其法其事今俱畧焉至神情離合  
之際蓋有味乎言之裁編次於短韻括揚摧  
於微吟雖核應董狐而契追鮑子矣必曰樹  
茗幟以囚酒星焚醉日則不平謂何夫阮步

兵之達也陶徵士之高也皆前與麴生莫逆  
僕素交亦復不淺豈可判疎親於鴻濛立翰  
墨於淨土使僊醺譏其隙末靈草畏其易涼  
哉曠睽者思習晤者篤感獨醒之悠邈嘉靜  
對之綢繆賞歎兼深物候偏合故籟亦專鳴  
焉酒德之頌以俟他日

春林過雨淨春鳥帶雲來夢餘茶火熟一酌山  
花開

雨前槍穎抽石罅星珠寫何處試芽泉露井桃

花下

病去醉鄉隔，閒來茶苑行。持杯猶未飲，黃鳥一聲鳴。

滌器傍松林，風鐺作人語。微颺相獻酬，聞聲已無暑。

山月正依人，鑪聲初戰茗。幽谷淡微雲，謾謾松風冷。

霜餅餉雷莢，露盃潑雲腴。人愛蒼苔上，吾憐碧蒨敷。

照面素濤起，真風入肺清。世間何物擬秋色，動

金莖。

露下水雲清，疎林如墮髮。試茗石泉邊，一甌蘸

秋月。

泉鳴細雨來，風靜孤煙直。遙看林氣青，知有卧

雲客。

雪是穀之精，却與茶同調。洗餅花片來，茶色欣然笑。

泉山憶雪遙，得雪茶神足。無雪使茶孤，不孤賴

有竹  
漸冷香消篆無絃月照琴聲希味亦淡此客是  
知音

寒巖隱奇品何必遠山  
英耳食千金子噉茶唯  
噉名

沈瀼滴生根月神與雲魄是故日山顛往往得  
佳客

收芽必初火非為鬪奇新  
緬藉一年力神全在  
發春

海印湧珠泉在山已蟹眼依然雲石風頓使茶

鄉遠余鄉語嶼海印巖頂有蟹眼泉風味在慧山以上

泉品競毫釐戰茶堪次第慙愧山中人調符供

水遞隔海每月致蟹眼泉數頓

煎水不煎茶水高發茶味大都餅杓間要有山  
林氣

茶雖水策勳火候貴精討焙取熟中生烹媛穉  
與老

白石含雲潤丹砂出火凝今時無石鼎托客覓

宜興

柴桑托於酒臨酌忽忘天而我亦如是玄心照茗泉

酒德泛然親茶風必擇友所以湯社事須經我輩手

酒韻美如蘭茶神清如竹花外有真香終推此君獨

焦革何人者範金配杜康茶鄉有湯沐桑苧自蒸嘗

營糟築樂邦轉與睡鄉際忽到茗甌中別闕一天地

茶品在塵外何須人出塵茫茫塵眼醉誰是啜茶人

宋法盛龍團採春歸聖主清風灑九州天韻高千古

團餅乳花巧卷芽雲氣深將芽來作餅隱士耀朝簪

馬國厭腥膻酪奴空見辱將茶作主人呼奴不

到酪

僊掌露乾後文園賦渴餘當時無一盞乞與病相如

湯沸寫甌香衰花兼釘果肉浣虎跑泉此事君

豈可

世氛損靈骨何物仗延年吾是烟霞癖君稱草

木僊

賓來手自潑入口羨孤絕自是韻相同非關精

水法

茶樂神興與朝瀾細多隨玄圃中開

好友蘭言密奇書玄義析此意不能傳茶甌答

以默

漱酣驅睡魔衆好非真賞微啜御風行泠泠天

際想

攄梧微詠際隱几坐忘時真味超甘苦陶王韋

孟詩

七言絕句

葉紆既建茶

宋司馬光

閩山草木未全春破類真茶采擷新雅意不忘

同臭味先分晴昔桂堂人

雙井茶寄景仁

春睡無端巧逐人驅訶不去苦相親欲憑洪井  
真茶力試遣刀圭報谷神

觀陸羽茶井

王禹偁

甃石封苔百尺深試茶滋味少知音惟餘半夜  
泉中月留得先生一片心

寄茶與王和甫平甫

王安石

絲絳絳囊海上舟月團蒼潤紫烟浮集英殿裏

春風晚分到并門想麥秋

碧月團團墮九天封題寄與洛中仙石樓試水  
宜頻啜金谷看花莫漫煎

寄獻新茶

曾鞏

種處地靈偏得日摘時春早未聞雷京師萬里  
爭先到應得慈親手自開

方推官寄新茶

採摘東溪最上春壑源諸葉品尤新龍團貢罷  
爭先得肯寄天涯主諾人



嘗新茶

麥粒收來品絕倫，葵花製出樣爭新。  
一杯永日醒雙眼，草木英華信有神。

寒蟠翁寄新茶

龍焙嘗茶第一人，最憐溪岬兩旗新。  
肯分方鑄醒衰思，應恐慵眠過一春。

貢時天上雙龍去，鬪處人間一水爭。  
分得餘甘慰憔悴，碾嘗終夜骨毛清。

呂殿丞寄新茶

偏得朝陽借力催，千金一鑄過溪來。  
曾坑貢後春猶早，海上先嘗第一杯。

茶巖

羅願

岩下纔經昨夜雷，風爐瓦鼎一時來。  
便將槐火煎岩溜，聽作松風萬壑迴。

謝公擇舅分賜茶

黃庭堅

外家新賜蒼龍璧，北焙風烟天上來。  
明日蓬山破寒月，先甘和夢聽春雷。

謝人惠茶

一規蒼玉琢蜿蜒，藉有佳人錦段鮮。  
莫笑持歸淮海去，為君重試大明泉。

以潞公所惠揀芽送公擇

慶雲十六升龍餅，國老元年密賜來。  
披拂龍紋射牛斗，外家英鑒似張雷。

赤囊歲上雙龍璧，曾見前朝盛事來。  
想得天香隨御所，延春閣道轉輕雷。

茶瓶湯候

李南星

砌蟲唧唧萬蟬催，忽有千車捆載來。  
聽得松風

并澗水急呼縹色，綠瓷杯

茶苑

黃裳

莫道兩芽非北苑，須知山脉是東溪。  
旋燒石鼎供吟嘯，容照岩中日未西。

想見春來喊動山，雨前收得幾籃還。  
芥斤不落幽人手，且喜家園禁已閒。

乞茶

未終七椀似盧仝，解鈔駸駸兩腋風。  
北苑搶旗應滿篋，可能為惠向詩翁。

煎茶

羅大經

松風檜雨到來初，急引銅瓶離竹爐。待得聲聞俱寂後，一甌春雪勝醍醐。  
分得春茶穀雨前，白雲裏裡且鮮妍。瓦瓶旋汲三泉水，紗帽籠頭手自煎。

武夷茶

白玉蟾

仙掌峰前仙子家，客來活火煮新茶。主人遙指青烟裏，瀑布懸崖剪雪花。

武夷茶

元陳夢庚

儘誇六碗便通靈，得似僊山石乳清。此水此茶須此竈，無人肯說與端明。

御茶園

鄭主忠

御園此日焙新芳，石乳何年已就荒。應是山靈知獻納，不將口體媚君王。

武夷茶

林錫翁

百草逢春未敢花，御茶菩蕾拾瓊芽。武夷直是神僊境，已產靈芝更產茶。

武夷先春

蘇伯厚

采采金芽帶露新，焙芳封裏貢丹宸。  
山靈解識尊君意，土脉先回第一春。

茶禱咏

明徐燠

採採新芽鬪細工，筐頭朝露尚蒙戎。  
問渠何處山泉活，花底殘枝日正中。

高枕殘書小石床，偶來新味競芬芳。  
盈盈七碗渾閒事，直入窮襟最苦腸。

梅花落盡野花香，攢恠底春工儘放寬。  
嫩舌茸茸起香處，逼人風味又成團。

新爐活火謾烹煎，更是江心第一泉。  
鶴夢未醒香未燼，黃庭纔罷問先天。

望望村西憶晚晴，曉來應有日華清。  
新篁莫放連朝歇，怕有旗鎗弄化生。

春巖到處總含香，細採徐徐自滿筐。  
防却枝頭有新刺，莫教織筍暗中傷。

歲歲春深穀兩忙，小姑今日試新粧。  
道來昨夜成佳夢，天子新嘗第一筐。

大姑回頭問小姑，郎歸夜夜讀書無。  
竹爐莫放

灰教冷聞說詩腸好潤枯  
 聞寂空堂坐此身山家初獻滿筐春爐邊細細  
 吹烟火莫使翩躚鶴避人  
 竹爐蟹眼薦新嘗愈苦從教愈有香我亦有香  
 還有苦儘令湯火更何妨

茶洞

陳省

寒岩摘耳石峻嶒下有烟霞氣鬱蒸聞道向來  
 嘗送御而今祇供五湖僧

四山環繞似崇墉烟霧細縷鎮日濃中產仙茶

稱極品天池那得比芳草景立書即

御茶園

閩南瑞草最稱茶製自君謨味更佳一寸野芹  
 猶可獻御園茶不入官家

先代龍團貢帝都甘泉仙茗苦相須自從獻御  
 後延水任與人間作室廬茶今改延平進貢

鼓山茶

鄧原岳

雨後新茶及早收山泉石鼎試磁甌誰知岩前  
 峰頭產勝却天池與希丘

御茶園

徐煥

先代茶園有故基，喊山臺廢幾何時。東風處處旗槍綠，過客披蓑讀斷碑。

武夷采茶詞

結屋編茅數百家，各攜妻子住烟霞。一年生計無他事，老釋相隨盡種茶。

荷鉤開山當力田，旗槍新長綠芊綿。總緣地屬仙人管，不向官家納稅錢。

萬壑輕雷乍發聲，山中風景近清明。筠籠竹筥

相攜去亂採雲芽，趁雨晴

竹火風爐煮石鐺，瓦瓶磔碗注寒漿。啜來習習

涼風起，不數松蘿顧渚香。

荒榛宿莽帶雲鋤，岩後岩前選奧區。無力種田

詩茗官家何事，亦徵租

山勢高低地不齊，開園須擇帶沙泥。要知風味

何方美，陷石堂前鼓子西。

試武夷茶

閔齡

啜罷靈芽第一春，伐毛洗髓見元神。從今澆破

人間夢名到丹臺侍玉宸

鼓山采茶曲

謝肇淛

半山別路出茶園雞犬桑麻自一村石屋竹樓

三百口行人錯認武陵源

布穀春山處處聞雷聲二月過春分閩南氣候

由來早采盡靈源一片雲

郎采新茶去未迴妻兒相伴戶長閑深林夜半

無驚怕曾請禪師伏虎來

緊炒寬烘次第殊葉粗如桂嫩如珠癡兒不識

人生事環遶薰牀弄雉雛

雨前初出半巖香十萬人家未敢嘗一自尚方

停進貢年年先納縣官堂

兩角斜封翠欲浮蘭風吹動綠雲鈎乳泉未瀉

香先到不數松蘿與虎丘

茶洞

折筍峯西接水鄉平沙十里綠雲香如今已屬

平泉業採得旗槍未敢嘗

草屋編茅竹結亭薰床瓦鼎黑磁瓶山中一夜

清明雨收却先春一片青

芝山日新上人自長溪歸惠太姥崔童二茗賦謝四首

三十二峯高插天石壇丹竈窠林烟春深夜半茗新發僧在懸崖雷雨邊

錫杖斜挑雲半肩閑籠五色起秋烟芝山寺裏多塵土須取龍腰第一泉

白絹斜封各品題嫩知太姥大支提沙彌剥啄客驚起兩陣香風撲馬蹄

瓦鼎生濤火候諳旗槍傾出綠仍甘蒙山路斷松蘿遠風味如今屬建南

山中烹茶

江左玄

東風昨夜放旗槍帶露和雲摘滿筐瓢汲石泉烹活火鼎中時沸雪濤香

江仲譽寄武夷茶

鄭邦霑

龍團九曲古來聞瑤草臨波翠不分一點寒烟松際出却疑三十六峯雲

春來欲作獨醒人自汲寒泉煮茗新滿飲清風



生兩腋。盧仝應笑是前身。

詞類

阮郎歸

宋黃庭堅

摘山初製小龍團。色和春味全。碾聲初斷夜將闌。烹時鶴避煙。消滯思解塵煩。金甌雪浪翻。只愁啜罷水流天。餘清攪夜眠。

黔中桃李可尋芳。摘茶人自忙。月團兩銜鬪圓方。研膏入焙香。青箬裏絳紗囊。品高聞外江。酒闌傳盃舞紅裳。都濡春味長。  
都濡地名

西江月

第一體

龍焙頭綱春早。谷簾第一泉香。已曛浮蟻嫩鵝黃。想見翻匙雪浪。兔褐金絲寶盃。松風蟹眼新湯。無因更發次公狂。甘露來從僊掌。

品令

鳳舞團團餅。恨分破教孤令。金渠體淨。隻輪慢碾。玉塵光瑩。湯響松風。早減了三分酒病。味濃香永。醉鄉路成佳境。恰如燈下。故人萬里歸來對影。口不能言。心下快活自省。

看花迴

夜永蘭堂醺飲半倚頽玉爛熳墜鈿墮履是醉  
 時風景花暗燭殘懽意未闌舞燕歌珠成斷續  
 催茗飲旋煮寒泉露井餅竇響飛瀑纖指緩  
 連環動觸漸泛起滿甌銀粟香引春風在手似  
 粵嶺閩溪初采盈掬暗想當時探春連雲尋篔  
 竹怎歸得鬢將老付與盃中綠

舞上恐  
脫趙字

浪淘沙二首

茶園即景

明陳仲濤

絕壁翠苔封劣崩危峰半山雲氣織芙蓉怪鳥

啼春聲不斷躑躅花紅茅屋掛龍從十里青  
 松茶園深處拄孤筇知得清明今欲到茗綠東  
 風

鳥道界岩崑日煖烟消鷓鴣啼過蹴鼈橋望到  
 海門山斷處練束春潮收拾舊茶寮篋筥輕  
 挑旗槍新采白雲苗竹火焙來聊一軟仙路非  
 遙

茶集卷之下終

茶集卷之十  
 一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

茶集跋

吾祖華道人性超為情絕。夙有  
 癖癖。生以必揮。晚益加以茶。茶者  
 月夕。下孫麻。置竹塘。汲泉以  
 手。自煎。喫信游自樂。痛飲終  
 朝。七碗也。子重以此。秘書不出傳。

至家夫年矣而清之筆之生風改  
 律于執之業家也幸其其詩易不  
 分器裁七款而所以使素披通  
 按劑刷之款士免我同此樂耳

文化甲子年三月

源靖謹題



茶集拾遺嗣出

尾張書林

本町通十一町目

藤屋宗助

